


RETE AN SEKIRITE.

KONNEN KISA KI PASE.

SA PYETON,
AK MOUN K AP KOURI
POU FÈ EGZÈSIS, AK
MOUN KI SOU BISIKLÈT
BEZWEN KONNEN SOU
KWAZMAN RAY TREN



**OPERATION
LIFESAVER**[®]
Rail Safety Education

KONNEN KISA KI PASE:

NAN ETAZINI, GEN YON TREN KI FRAPE YON MOUN OSWA YON OTO CHAK 3 ÈDTAN.

TREN YO FÈ MWENS BWI EPI YO PI RAPID PASE SA OU KWÈ - SE TREN SÈLMAN KI DWE KOURI SOU RAY YO.

YON TREN MACHANDIZ MWAYEN K AP KOURI NAN YON VITÈS 55 MIL ALÈ KAPAB PRAN YON MIL OUBYEN PLIS POU LI RETE - KIDONK LONGÈ 18 TEREN FOUTBÒL.

ÈSKE OU WÈ RAY?
SONJE TREN!

PRAN DESIZYON POU SEKIRITE:




JANBE LEGALMAN AK AN SEKIRITE

Sèl kote ki legal ak an sekirite pou nenpòt moun janbe yon ray tren, se nan kote yo make pou moun janbe. Toujou respekte avètisman ak siyal pou danje yo. Toujou gade si gen yon tren k ap vini, anvan ou kontinye.

FÈ YON JAN POU OU PA BLOKE

Anvan ou travèse, veye byen pou gen ase plas sou lòt bò a pou ou fin janbe ray yo nèt. Lajè tren yo depase ray yo. **Lè w ap kondwi, kite omwen 15 pye distans ant devan ak dèyè veyikil ou a avèk ray ki pi pre a.** Pa sèvi avèk levye chanjman vitès la pandan w ap janbe yon ray.



KANPE TANN, GADE NAN TOUDE DIREKSYON

Toujou sonje kapab gen yon tren k ap vini. Tren yo kapab pi pre, epi yo kapab ap kouri pi vit pase sa yo parèt, epi yo kapab kouri sou nenpòt ray nenpòt kilè. Lè gen plizyè ray, sa kapab vle di plizyè tren. **Gade byen si ou ka wè aklè jouk nan fen ray yo nan toude direksyon, anvan ou kontinye.** PA JANM travèse pandan limyè yo ap mouri ak limen, oubyen lè baryè a bese. Pa janm eseye kouri pase devan yon tren.

SÒTI! RETE LWEN! GADE KOTE SIYAL BLE AK BLAN AN YE

Si veyikil ou kole oswa bloke nan yon kwazman, fè tout moun soti ak rete lwen touswit, menm si ou pa wè yon tren. Rele nimewo ki sou Sistèm Notifikasyon Ijans Ble ak Blan an (ENS, ki vle di "Emergency Notification System"), epi bay estandadis la nimewo idantifikasyon (ID) pou kwazman an. Ou pa wè okenn afich? Rele 911.



KONNEN AFICH AK SIYAL YO

PLIZYÈ RAY TREN

Lè gen plizyè ray tren. Lè gen plizyè ray, sa kapab vle di gen plizyè tren. Gade byen si ou ka wè aklè jouk nan fen ray yo nan toude direksyon, anvan ou kontinye.

BESE BARYÈ, AK LIMYÈ WOJ K AP MOURI AK LIMEN


Gen yon tren k ap pwoche (menm si ou pako wè li). Pa kontinye jouktan limyè yo etenn epi baryè a monte. Li ilegal epi sa gen danje, si ou pase sou kote baryè ki bese.

PASAJ A NIVO

RETE TANN si gen yon tren k ap pwoche. Tren yo toujou gen dwa pasaj.

LIMYÈ WOJ K AP MOURI AK LIMEN

RETE KANPE pandan limyè a ap mouri ak limen. PA kontinye jouktan limyè a sispann mouri ak limen. Si limyè a kòmanse mouri ak limen pandan ou deja kòmanse janbe ray tren an, kontinye pase.




SISTÈM NOTIFIKASYON IJANS (ENS KI VLE DI "EMERGENCY NOTIFICATION SYSTEM")

Sa a, se premye nimewo telefòn ou dwe rele si gen yon veyikil ki bloke oubyen ki pran pàn sou ray yo. REMAK: Chak afich avètisman gen yon nimewo ID pou pozisyon li, ak yon nimewo telefòn ki diferan.

Sèvi avèk ENS la tou pou fè rapò si gen moun, veyikil, oswa debri sou ray yo, oubyen si gen afich oswa siyal avètisman ki domaje, oswa kote moun pa kapab wè.

SIYAL KI TRASE ATÈ

RxR ansanm ak yon liy blan laj ki trase sou wout la vle di ou pral rive nan yon kwazman ray tren. Rete dèyè liy blan ki montre kote pou kanpe a, pandan w ap tann trenn an pase. Pa gen liy ki montre kote pou kanpe? Rete omwen nan yon distans 15 pye avèk ray ki pi pre a.



POU VEYIKIL KI BA JANBE NAN YON KWAZMAN

Kwazman ki monte wo pi devan an. Si w ap kondwi nempòt veyikil ki ba - tankou yon platfòm ba, yon otobis, yon kamyon, yon oto pou espò, oswa yon trelè - gen danje pou veyikil la rete bloke sou ray yo. Pa kontinye jouktan ou sèten veyikil la pral kapab janbe anlè ray yo.

AVÈTISMAN DAVANS

Ralanti, gade, koute, epi pare pou ou rete. Anjeneral, se premye avètisman ou wè, lè ou pral rive pre yon kwazman pou ray tren.



LÈ W AP MACHE, OSWA KOURI, OSWA MONTE SOU BISIKLÈT, PATEN AK TWOTINÈT NAN KWAZMAN RAY YO, LI ENPÒTAN POU OU KONNEN KISA OU DWE FÈ SI OU WÈ AFICH OSWA SIYAL POU RAY TREN.

FÈ ATANSYON NAN KOTE KI GEN WOUT K AP JANBE RAY TREN.

KONNEN KISA LALWA DI

PA JANM mache, ni kouri, ni monte bisiklèt sou ray, pon, ak tinèl pou tren. Pa janm eseye travèse, ni pase anba, ni monte sou yon tren ki rete kanpe. Ray tren, treto, lakou, ak materyèl pou estasyon tren se pwopriyete prive, kidonk si ou antre nan kote sa yo, ou vyole pwopriyete prive. Sa ilegal. Ou ka pèdi lavi w oubyen sibi yon chòk grav, oswa gen pou peye yon amann, oswa arete.

SWIV KONSÈY SA YO

- 1** **Toujou sonje kapab gen yon tren k ap vini.**
Tren yo pi rapid epi yo fè mwens bwi pase sa ou ta kwè, yo ka kouri sou nenpòt ki ray, nenpòt kilè, ak nan nenpòt direksyon, epi yo pa gen lè pou yo pase.
- 2** **Sa ilegal pou moun mache sou oswa toupre ray tren yo.**
- 3** **Sèl kote ki san danje pou moun janbe ray tren yo, se kote ki make pou sa pou piblik la, avèk yon siyal pasaj, oswa yon limyè wouj k ap mouri ak limen, oswa yon baryè.**
Sa ilegal pou janbe nenpòt ki lòt kote.

- 4** **Janbe ray tren sou yon bisiklèt, oswa avèk yon pousèt, oswa nan yon chèz woulan, oswa sou lòt bagay ki gen wou etwat, sa mande plis prekosyon ak atansyon.** Sonje davans ki wout ou pral fè. Lè sa posib, desann sou sa ou woule a, epi mache pou travèse ray yo. Si ou sou bisiklèt, desann epi mache avèk li pou janbe ray tren an nan yon ang 90 degre. Si ou sou yon chèz woulan, gade si ou ka jwenn asistans oubyen fè yon lòt wout.
- 5** **Pa janm pase lè limyè yo ap mouri ak limen, ni pase sou kote baryè ki desann.** Toujou tann limyè yo sispann mouri ak limen, epi baryè a fin monte nèt.
- 6** **Anvan ou janbe, gade si ou ka wè aklè nan toude direksyon.** Lè gen plizyè ray, sa kapab vle di gen plizyè tren.
- 7** **Pa monte sou pon ak treto ray tren yo. Pa antre nan tinèl pou ray tren yo.** Gen ASE PLAS SÈLMAN pou tren an.
- 8** **Tren yo, ray yo, ak pwopriyete pou tren yo PA kote pou moun jwe.** Pa janm grenpe sou, ni pase anba, ni travèse tren yo. Pa janm vole pou monte ni soti nan yon tren k ap mache.



ENFÒMASYON SOU OPERATION LIFESAVER:

OPERATION LIFESAVER SE YON MISYON POU EDIKASYON SOU PREKOSYON AVÈK RAY TREN, KI RESEVWA SIPÒ NAN MEN MOUN KI DEVWE. OBJEKTIF NOU, SE POU FINI AVÈK KOLIZYON, LANMÒ, AK AKSIDAN SOU AK TOUPRE LIY AK RAY POU TREN.

- **Prezantasyon vityèl ak an pèsonn gratis** nan tout Etazini.
- **Pwogram leson anliy (eLearning)** pou chofè pwofesyonèl, ak sekouris, ak chofè otobis lekòl.
- **Ale nan adrès oli.org** pou pran randevou pou yon prezantasyon, oswa pou jwenn materyèl sou sekirite, oswa pou ou enskri kòm volontè ak divilge kanpay enfòmasyon piblik, oswa videyo, oswa lòt bagay ankò.

EDE FINI AVÈK TRAJEDI SOU RAY TREN

Konnen kisa ki pase.

Pran bon desizyon.

Pataje mesaj la.

OLI.ORG

SWIV NOU SOU REZO SOSYAL

(800) 537-6224



**OPERATION
LIFESAVER®**

Rail Safety Education



**Massachusetts Bay
Transportation Authority**

Edikasyon sou Prekosyon avèk Ray Tren

Copyright © 2021 Operation Lifesaver, Inc. Tout dwa rezève.